

საქართველოს მთავრობის

დადგენილება №235

2020 წლის 10 აპრილი

ქ. თბილისი

მერძვეობის დარგის მოდერნიზაციისა და ბაზარზე წვდომის სახელმწიფო პროგრამის დამტკიცების შესახებ

მუხლი 1

„საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის მე-5 მუხლის „ვ“ ქვეპუნქტის შესაბამისად, დამტკიცდეს თანდართული „მერძვეობის დარგის მოდერნიზაციისა და ბაზარზე წვდომის სახელმწიფო პროგრამა“.

მუხლი 2

დადგენილების პირველი მუხლით გათვალისწინებული „მერძვეობის დარგის მოდერნიზაციისა და ბაზარზე წვდომის სახელმწიფო პროგრამის“ დაფინანსება განხორციელდეს შესაბამისი წლის „საქართველოს სახელმწიფო ბიუჯეტის შესახებ“ საქართველოს კანონით გათვალისწინებული, შესაბამისი პროგრამული კოდის ასიგნებებიდან.

მუხლი 3

დადგენილება ამოქმედდეს გამოქვეყნებისთანავე

პრემიერ - მინისტრი

გიორგი გახარია

**მერძვეობის დარგის მოდერნიზაციისა და ბაზარზე წვდომის
სახელმწიფო პროგრამა**

მუხლი 1. პროგრამის მიზანი და ამოცანა

1. „მერძვეობის დარგის მოდერნიზაციისა და ბაზარზე წვდომის სახელმწიფო პროგრამის“ (შემდგომში – პროგრამა) მიზანია სოფლად ეკონომიკის განვითარება, კონკურენტუნარიანი, დივერსიფიცირებული და მდგრადი მერძვეობის დარგის ჩამოყალიბების ხელშეწყობის გზით.

2. პროგრამის ამოცანას წარმოადგენს სოფლად რძის მცირე მწარმოებლებისთვის მდგრადობისა და მოქნილობის ხელშეწყობა, ასევე იმ პროცესების მართვის გაუმჯობესება, რომელზეც მათი საქმიანობაა დამოკიდებული.

მუხლი 2. პროგრამის განმახორციელებელი

1. პროგრამის განხორციელებას კოორდინაციას უწევს საქართველოს გარემოს დაცვისა და სოფლის მეურნეობის სამინისტრო (შემდგომში – სამინისტრო).

2. პროგრამის განმახორციელებელია ა(ა)იპ – სოფლის განვითარების სააგენტო (შემდგომში – სააგენტო) და სამინისტრო.

საქართველოს მთავრობის 2021 წლის 24 ნოემბრის დადგენილება №545 – ვებგვერდი, 26.11.2021წ.



მუხლი 3. ტერმინთა განმარტება

პროგრამაში გამოყენებულ ტერმინებს აქვთ შემდეგი მნიშვნელობა:

ა) **პოტენციური ბენეფიციარი** – საქართველოს მოქალაქე ფიზიკური პირი ან საქართველოში რეგისტრირებული მეწარმე იურიდიული/ ფიზიკური პირი (მათ შორის, სასოფლო-სამეურნეო კოოპერატივი), სადაც სახელმწიფო არ ფლობს წილს/პაის/აქციას, რომელიც პროგრამაში მონაწილეობის მიზნით წარადგენს განაცხადს და ვისთანაც შესაძლებელია, გაფორმდეს თანადაფინანსების ხელშეკრულება;

ბ) **ბენეფიციარი** – საქართველოს მოქალაქე ფიზიკური პირი ან საქართველოში რეგისტრირებული მეწარმე იურიდიული/ფიზიკური პირი (მათ შორის, სასოფლო-სამეურნეო კოოპერატივი), სადაც სახელმწიფო არ ფლობს წილს/პაის/აქციას და რომელთანაც გაფორმებულია ხელშეკრულება;

გ) **ხელშეკრულება** – სააგენტოსა და ბენეფიციარს შორის გაფორმებული თანადაფინანსების ხელშეკრულება, რომელიც განსაზღვრავს პროგრამის ფარგლებში მხარეთა მიერ შესასრულებელ ვალდებულებებს;

დ) **თანადაფინანსება** – პროგრამის ფარგლებში სააგენტოს მიერ ბენეფიციარზე გაცემული ფულადი სახსრები;

ე) **განაცხადი** – პოტენციური ბენეფიციარის მიერ წარდგენილი განაცხადი თანადაფინანსების მიღების მიზნით;

ვ) **პროექტი** – პოტენციური ბენეფიციარის მიერ განაცხადით წარდგენილი პროექტი, რომელიც უნდა დააფინანსოს სააგენტომ;

ზ) **თანამონაწილეობის თანხა** – პროგრამის ფარგლებში წარდგენილი პროექტის დასაფინანსებლად ბენეფიციარის მიერ გამოყოფილი ფულადი სახსრები;

თ) **პროექტის საინვესტიციო ღირებულება** – პროგრამით გათვალისწინებული მიზნობრიობ(ებ)ით დასაფინანსებელი პროექტის ჯამური ღირებულება, რაც მოიცავს სააგენტოს თანადაფინანსებასა და ბენეფიციარის თანამონაწილეობის თანხას;

ი) **თანადაფინანსების კომიტეტი** – პროგრამის ფარგლებში თანადაფინანსების დამტკიცების მიზანშეწონილობისა და მიმდინარე საკითხების შესახებ გადაწყვეტილებ(ებ)ის მისაღებად შექმნილი კომიტეტი;

კ) (ამოღებულია - 09.08.2022, №415);

ლ) (ამოღებულია - 09.08.2022, №415);

მ) (ამოღებულია - 09.08.2022, №415);

ნ) **რძის მწარმოებელი** – ფერმერი, რომელსაც ჰყავს არანაკლებ 1 და არაუმეტეს 25 ერთეული მეწველი მსხვილფეხა საქონლისა;

ო) **მომსახურების პროვაიდერი** – პოტენციური ბენეფიციარი, რომელიც არის ხელოვნური განაყოფიერებისა და ვეტერინარიის მომსახურების მიმწოდებელი, გააჩნია თეორიული (დადასტურებული შესაბამისი დიპლომით/სერტიფიკატით) ცოდნა და არანაკლებ 2-წლიანი პრაქტიკული სამუშაო გამოცდილება შესაბამის სფეროში (დადასტურებული სარეკომენდაციო წერილით);

პ) (ამოღებულია - 25.05.2020, №328);

ჟ) **საშუალო ზომის რძის გადამამუშავებელი საწარმო** – საწარმო, რომლის სიმძლავრე არის 1-10 ტონა



რძის გადამამუშავება დღეში (24 სთ) და დასაქმებული ჰყავს/დაასაქმებს არანაკლებ 8 ადამიანს;

რ) მცირე ზომის რძის გადამამუშავებელი საწარმო – საწარმო, რომლის სიმძლავრე არის არაუმეტეს 1 ტონა რძის გადამამუშავება დღეში და დასაქმებული ჰყავს/დაასაქმებს არანაკლებ 2 ადამიანს.

საქართველოს მთავრობის 2020 წლის 25 მაისის დადგენილება №328 – ვებგვერდი, 27.05.2020წ.

საქართველოს მთავრობის 2021 წლის 24 ნოემბრის დადგენილება №545 – ვებგვერდი, 26.11.2021წ.

საქართველოს მთავრობის 2022 წლის 9 აგვისტოს დადგენილება №415 - ვებგვერდი, 09.08.2022 წ.

მუხლი 4. პროგრამაში მონაწილეობის პირობები

1. პროგრამის ბენეფიციარი უნდა იყოს საქართველოს მოქალაქე ფიზიკური პირი ან საქართველოში რეგისტრირებული მეწარმე იურიდიული/ფიზიკური პირი (მათ შორის, სასოფლო-სამეურნეო კოოპერატივი), რომელშიც სახელმწიფო არ ფლობს წილს/პაის/აქციას.

2. პროგრამის ბენეფიციარს არ უნდა გააჩნდეს საგადასახადო დავალიანება სახელმწიფო ბიუჯეტის მიმართ.

3. ალტერნატიული საქმიანობა ახალგაზრდებისთვის მიმართულების პოტენციური ბენეფიციარი (კაცი – 18-დან 35 წლის ჩათვლით, ხოლო ქალი – 18-დან 40 წლის ჩათვლით) უნდა იყოს შესაბამისი მუნიციპალიტეტის ადგილობრივი მაცხოვრებელი.

საქართველოს მთავრობის 2022 წლის 9 აგვისტოს დადგენილება №415 - ვებგვერდი, 09.08.2022 წ.

მუხლი 5. პროგრამის მიმართულებები

1. პროგრამის ფარგლებში დაფინანსდება შემდეგი მიმართულებები:

ა) რძის პირველადი წარმოება;

ბ) რძის შემგროვებელი პუნქტი;

გ) რძის გადამამუშავებელი საწარმო;

დ) (ამოღებულია - 09.08.2022, №415);

ე) ვეტერინარია და ხელოვნური განაყოფიერება;

ვ) ალტერნატიული საქმიანობები ახალგაზრდებისთვის;

ზ) მზის ენერჯიაზე მომუშავე ელექტროსადგურის მოწყობა.

2. პროგრამა ითვალისწინებს ამ მუხლის პირველი პუნქტის „ა“, „ე“, „ვ“ და „ზ“ ქვეპუნქტებით განსაზღვრული მიმართულებებით, როგორც ახალი საქმიანობის დაწყებას, ასევე არსებულის გაფართოებას/მოდერნიზებას/ გადაიარაღებას, ხოლო ამ მუხლის პირველი პუნქტის „ბ“ და „გ“ ქვეპუნქტებით განსაზღვრული მიმართულების შემთხვევაში – მხოლოდ არსებული საქმიანობის გაფართოებას/მოდერნიზებას.

3. პროგრამის ფარგლებში დასაშვებია მსხვილფეხა საქონლის სადაზღვევო პრემიის ან/და ძირითადი საშუალებების თანადაფინანსება.

4. ვეტერინარიისა და ხელოვნური განაყოფიერების მიმართულებით ძირითადი საშუალებების თანადაფინანსება მოიცავს მხოლოდ მანქანა-დანადგარების, სატრანსპორტო საშუალებებისა და აღჭურვილობის თანადაფინანსებას.

5. საშუალო ზომის რძის გადამამუშავებელ საწარმოსა და რძის შემგროვებელი პუნქტის ბენეფიციარის



თანადაფინანსება მოიცავს სპეციალური სატრანსპორტო საშუალებების, შენობა-ნაგებობებისა (მხოლოდ რემონტი/რეაბილიტაცია) და მანქანა-დანადგარების თანადაფინანსებას.

6. ალტერნატიული საქმიანობა ახალგაზრდებისთვის მიმართულების ბენეფიციარისთვის დაშვებულია არაუმეტეს 100 კვ/მ სათბურის მოწყობა.

7. რძის პირველადი წარმოების, რძის შემგროვებელი პუნქტის ან რძის გადამამუშავებელი საწარმოს მიმართულების ბენეფიციარზე გასაცემი თანადაფინანსების თანხით ასევე შესაძლებელია სურსათის უვნებლობის საერთაშორისო სტანდარტის/სისტემის დანერგვის თანადაფინანსება.

საქართველოს მთავრობის 2020 წლის 25 მაისის დადგენილება №328 – ვებგვერდი, 27.05.2020წ.

საქართველოს მთავრობის 2021 წლის 24 ნოემბრის დადგენილება №545 – ვებგვერდი, 26.11.2021წ.

საქართველოს მთავრობის 2022 წლის 9 აგვისტოს დადგენილება №415 - ვებგვერდი, 09.08.2022 წ.

მუხლი 6. თანადაფინანსება და შეზღუდვები

1. პროგრამის ფარგლებში თანადაფინანსების პროცენტული წილი და ზღვრული ოდენობები, ბენეფიციარ(ებ)ის ტიპისა და განსახორციელებელი საქმიანობის მიხედვით, განსაზღვრულია დანართ №1-ის შესაბამისად.

2. ბენეფიციარ(ებ)ს ერთდროულად შეუძლიათ, მიიღონ თანადაფინანსება პროგრამის სხვადასხვა მიმართულებით, მხოლოდ შემდეგ შემთხვევებში:

ა) (ამოღებულია - 09.08.2022, №415);

ბ) დანართ №1-ის 3.3 პუნქტით განსაზღვრული მიმართულების ბენეფიციარს შეუძლია, თანადაფინანსება მიიღოს დანართ №1-ის 3.4 პუნქტით განსაზღვრულ მიმართულებაზე;

გ) დანართ №1-ის 1.1, 3.1, 3.2 ან 3.3 პუნქტებით განსაზღვრული მიმართულებების ბენეფიციარს შეუძლია, თანადაფინანსება მიიღოს დანართ №1-ის მე-5 პუნქტით განსაზღვრულ მზის ენერჯიაზე მომუშავე ელექტროსადგურის მოწყობის მიმართულებაზე.

3. პროგრამა არ ითვალისწინებს შემდეგი ხარჯების დაფინანსებას:

ა) უძრავი ქონების, მათ შორის მიწის, შესყიდვა;

ბ) საპროექტო მომსახურება;

გ) კრედიტებისა და სხვა ვალდებულებების დაფარვა;

დ) საწარმოს აქციების/წილების შესყიდვა;

ე) ცხოველის შესყიდვა.

საქართველოს მთავრობის 2022 წლის 9 აგვისტოს დადგენილება №415 - ვებგვერდი, 09.08.2022 წ.

მუხლი 7. პროგრამის პოტენციური ბენეფიციარის შესაბამისობის კრიტერიუმები

პროგრამით გათვალისწინებული თანადაფინანსების მისაღებად:

ა) უძრავი ქონება, სადაც უნდა განხორციელდეს პროგრამის ფარგლებში განაცხადით გათვალისწინებული თანხის ინვესტირება, უნდა იყოს ბენეფიციარის საკუთრებად რეგისტრირებული სსიპ – საჯარო რეესტრის ეროვნულ სააგენტოში ან/და მიღებული უნდა ჰქონდეს იჯარით/აღნაგობით (იჯარის/აღნაგობის დარჩენილი პერიოდი თანადაფინანსების ხელშეკრულების გაფორმების დღისათვის უნდა შეადგენდეს არანაკლებ 5 წელს. იჯარის/აღნაგობის ხელშეკრულება რეგისტრირებული უნდა იყოს სსიპ – საჯარო რეესტრის ეროვნულ სააგენტოში);

ბ) უძრავ ქონებას არ უნდა ედოს ყადაღა;



გ) პოტენციური ბენეფიციარს/ბენეფიციარს არ უნდა გააჩნდეს საგადასახადო დავალიანება;

დ) იმ შემთხვევაში, თუ პოტენციური ბენეფიციარი არის სააგენტოს მიერ განხორციელებული რომელიმე პროექტის/პროგრამის ბენეფიციარი, მას არ უნდა ჰქონდეს პროგრამის/პროექტის პირობები დარღვეული;

ე) ბენეფიციარის თანამონაწილეობა შესაძლებელია იყოს როგორც საკუთარი ფულადი სახსრები, ასევე საფინანსო ორგანიზაციიდან მიღებული სესხი;

ვ) პროგრამის ფარგლებში დაუშვებელია, ბენეფიციარის თანამონაწილეობის წყაროს წარმოადგენდეს სხვა პროგრამით/პროექტით გათვალისწინებული გრანტი/თანადაფინანსება.

საქართველოს მთავრობის 2022 წლის 9 აგვისტოს დადგენილება №415 - ვებგვერდი, 09.08.2022 წ.

მუხლი 8. პროგრამის პოტენციური ბენეფიციარის მიერ განაცხადის წარდგენა და თანადაფინანსების მიღების მიზნით წარსადგენი დოკუმენტაციის ნუსხა

1. პროგრამაში მონაწილეობაზე განაცხადი მიიღება ელექტრონული ფორმით.

2. პროგრამაში მონაწილეობის მიზნით, პროგრამის პოტენციურმა ბენეფიციარმა სააგენტოში უნდა წარადგინოს:

ა) უფლებამოსილი პირის პირადობის მოწმობის ასლი;

ბ) იურიდიული პირის შემთხვევაში, ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან;

გ) უძრავი ქონების საკუთრებაში არსებობის ან იჯარის/აღწაგობის დამადასტურებელი დოკუმენტი (ამონაწერი საჯარო რეესტრიდან ან იჯარის/აღწაგობის ხელშეკრულება);

დ) ცნობა ან/და შედარების აქტი სსიპ – შემოსავლების სამსახურიდან საგადასახადო დავალიანების არქონის შესახებ;

ე) თანამონაწილეობის თანხის დამადასტურებელი დოკუმენტი – ცნობა ბანკიდან შესაბამისი თანხის ანგარიშზე არსებობის შესახებ ან/და ცნობა საფინანსო ინსტიტუტიდან კრედიტის დამტკიცების თაობაზე;

ვ) ინვოისი ან/და ხელშეკრულება საქონლის/მომსახურების შესყიდვის შესახებ;

ზ) სსიპ – ლევან სამხარაულის სახელობის სასამართლო ექსპერტიზის ეროვნული ბიუროს ან/და სსიპ – აკრედიტაციის ეროვნული ორგანოს – აკრედიტაციის ცენტრის მიერ აკრედიტებული პირების ან/და საქართველოს ფინანსთა სამინისტროს სისტემაში შემავალი სახელმწიფო საქვეუწყებო დაწესებულების – ბუღალტრული აღრიცხვის, ანგარიშგებისა და აუდიტის ზედამხედველობის სამსახურის მიერ წარმოებულ რეესტრში არსებული პირის საექსპერტო/აუდიტორული დასკვნა წარდგენილი პროექტის საინვესტიციო ღირებულების საბაზრო ფასებთან შესაბამისობის შესახებ, რომელსაც აუცილებელი წესით თან უნდა ჰქონდეს დართული შესასყიდი პროდუქციის/მომსახურების ინვოისი(ებ)ი ან/და ხელშეკრულება;

თ) სამშენებლო სამუშაოების შემთხვევაში, დამატებით წარდგენილი უნდა იქნეს მშენებლობის ნებართვა (საჭიროების შემთხვევაში);

ი) ბიზნესგეგმა (საჭიროების შემთხვევაში);

კ) ბიზნესმოდელი (საჭიროების შემთხვევაში);



ლ) სააგენტოს მიერ მოთხოვნილი სხვა დოკუმენტაცია.

შენიშვნა: ამ მუხლით გათვალისწინებული დოკუმენტაციის წარდგენის რიგითობას განსაზღვრავს სააგენტო, მის მიერ დამტკიცებული დეტალური პროცედურის შესაბამისად.

მუხლი 9. თანადაფინანსების გაცემის პროცედურა

1. პროგრამის ფარგლებში თანადაფინანსების დამტკიცების მიზანშეწონილობისა და მიმდინარე საკითხების შესახებ გადაწყვეტილება მიიღება თანადაფინანსების კომიტეტის მიერ, რომლის შემადგენლობას/დებულებას შეიმუშავებს და ამტკიცებს სააგენტო.

2. განაცხადის მიღების, განხილვის, თანადაფინანსების დამტკიცებისა და გაცემის დეტალურ პროცედურას შეიმუშავებს სააგენტო.

მუხლი 10. პროგრამის მონიტორინგი

1. პროგრამის მონიტორინგს ახორციელებს სააგენტო, მის მიერ დამტკიცებული წესის შესაბამისად.

2. ბენეფიციარმა, ხელშეკრულებით გათვალისწინებული მიზნობრიობის შესრულების დასადასტურებლად, უნდა წარადგინოს სახელმწიფო საქვეუწყებო დაწესებულების – ბუღალტრული აღრიცხვის, ანგარიშგებისა და აუდიტის ზედამხედველობის სამსახურის მიერ წარმოებულ რეესტრში არსებული პირის საექსპერტო/აუდიტორული ან სსიპ – ლევან სამხარაულის სახელობის სასამართლო ექსპერტიზის ეროვნული ბიუროს დასკვნა საინვესტიციო ღირებულების მიზნობრივად ხარჯვასა და მიზნობრიობის შესრულებასთან დაკავშირებით, რომელშიც აღწერილი უნდა იყოს დასკვნის მომზადების მეთოდოლოგია და თან უნდა ახლდეს ფულადი სახსრების ხარჯვის დამადასტურებელი დოკუმენტაციის ასლ(ებ)ი (საგადახდო დავალება ან/და სალაროს ჩეკი).

მუხლი 11. ინტერესთა კონფლიქტი

პოტენციური ბენეფიციარი ან/და მისი დამფუძნებელი/მეწილე/ აქციონერი/მეპაიე ვერ მიიღებს პროგრამით გათვალისწინებულ თანადაფინანსებას, თუ ფლობს წილს/აქციას/პაის პროგრამის ფარგლებში მისთვის საქართველოში რეგისტრირებულ საქონლის/მომსახურების მიმწოდებელ/მშენებლობის შემსრულებელ კომპანიაში.

მუხლი 12. პროგრამის გავრცელების გეოგრაფიული არეალი

პროგრამის ვეტერინარიისა და ხელოვნური განაყოფიერების მიმართულების გავრცელების გეოგრაფიული არეალია საქართველოს მასშტაბი. ალტერნატიული საქმიანობები ახალგაზრდებისთვის და მზის ენერჯიაზე მომუშავე ელექტროსადგურის მიმართულების გავრცელების გეოგრაფიული არეალია იმერეთი, სამეგრელო და ზემო სვანეთი და სამცხე-ჯავახეთი. პროგრამის დანარჩენი მიმართულებების არეალი კი არის საქართველოს შემდეგი რეგიონები: ქვემო ქართლი, კახეთი, იმერეთი, რაჭა-ლეჩხუმი და ქვემო სვანეთი, სამეგრელო-ზემო სვანეთი და სამცხე-ჯავახეთი.

საქართველოს მთავრობის 2020 წლის 25 მაისის დადგენილება №328 – ვებგვერდი, 27.05.2020წ.

საქართველოს მთავრობის 2021 წლის 24 ნოემბრის დადგენილება №545 – ვებგვერდი, 26.11.2021წ.

საქართველოს მთავრობის 2022 წლის 9 აგვისტოს დადგენილება №415 - ვებგვერდი, 09.08.2022 წ.

დანართი №1

საქართველოს მთავრობის 2020 წლის 25 მაისის დადგენილება №328 – ვებგვერდი, 27.05.2020წ.

საქართველოს მთავრობის 2022 წლის 9 აგვისტოს დადგენილება №415 - ვებგვერდი, 09.08.2022 წ.



თანადაფინანსების მაქსიმალური პროცენტული წილი და ოდენობა ერთ ბენეფიციარზე (ლარი)

მიმართულება	ქალი	მამაკაცი/ იურიდიული პირი
1. რძის პირველადი წარმოება		
1.1. რძის მწარმოებელი	80%, [30,000]	60% [30,000]
2. მომსახურების პროვაიდერი		
2.1. ხელოვნური განაყოფიერებისა და ვეტერინარული მომსახურება	70% [42,000]	70% [42,000]
3. რძის გადამამუშავებელი საწარმო და შემგროვებელი პუნქტი		
3.1. საშუალო ზომის რძის გადამამუშავებელი	50% [80,000]	50% [80,000]
3.2. რძის შემგროვებელი პუნქტი	60% [108,000]	60% [108,000]
3.3 რძის მცირე გადამამუშავებელი	70% [31,000]	70% [31,000]
3.4 რძის შემგროვებელი პუნქტი საზაფხულო საძოვრებზე	70% [28,000]	70% [28,000]
4. ალტერნატიული საქმიანობა ახალგაზრდებისთვის	90% [8,000]	80% [8,000]
5. მზის ენერგიაზე მომუშავე ელექტროსადგურის მოწყობა		
5.1 რძის მწარმოებელი	90% [20,000]	80% [20,000]

